

ՏԵՂԵԿԱՏՈՒ

DIEGHIEGADOU

ديجيجادو

Հրատարակություն Փափիրեի Հ.Բ.Ը.Մ.ի

نشرة جمعية القاهرة الخيرية الأرمنية العامة

**ՀԱՅԱՍՏԱՆԻ
ԱՆԿԱԽՈՒԹԵԱՆ
ՏԱՐԵԴԱՐՁԸ**



**ԵԳԻՊՏՈՍԻ
Հ.Մ.Ը.Մ.
ՆՈՒՊԱՐԸ
ՍԻՏՆԻԻ ՄԷՋ**

ՏԵԼԵՎԻԶԻՆ

Պարբերաբեր
Պաշտոնաթերթ Գամիլի
Հայկական Ռաբոգորական Ընդամուշ Միութեան
Հեռ. 5919636

DEGHEGADOU

Periodical
Published by
Armenian General Benevolent Union - Cairo
Tel. 5919636

ديجيجادو

نشرة دورية
جمعية القاهرة الخيرية الأرمنية العامة
ت : ٥٩١٩٦٣٦

ԲՈՎԱՆԴԱԿՈՒԹԻՒՆ**ԽՄԲԱԳԻՐ**

Հարի Չէճէնեան

ԽՄԲԱԳՐԱԿԱՆ ԿԱԶՄ

Մարտիկ Պալանեան

Սաթենիկ Արզարեան

Արաքսի Տէրունեան-Խաչերեան

Պրիժիթ Գալընեան

ԳԵՂԱՐՈՒԵՍՏԱԿԱՆ ՁԵՒՆԱՌՐՈՒՄ

Շահէ Լուսարարեան

ՀԱՄԱԿԱՐԳԱՑԻՆ ԸԱՐՈՒԱԾՔ

Մանուէլ Գրիգորեան

ՏՊԱԳՐՈՒԹԻՒՆ

Nubar Printing
House

Թիի 8-9 Նոր Շրջան
ՅՈՒՆԻՍԿՈՒՆԵՍԻՒՄ 1998

Սթափիլ Քանի Ուշ Չէ
Հարի Չէճէնեան

1

Հայաստանի Անկախութեան 7րդ Տարեդարձը

2

Հ.Բ.Ը.Մ.ի 15րդ Նախարդեան
Խաղերը Սիտնիի Մէջ
Սաթենիկ Արզարեան

3

Համահայկական Խաղերը
Հայաստանի Մէջ

7

Օր Մը Սերո Խանգատեանի Հետ
Հարի Չէճէնեան

8

Ինչու Չէ
Սոսի Յակոբեան

9

Ծնորհահանդէս Հայաստանի
Դեսպանատան Մէջ

10

Պաշտօնական Բացում ՀՀի
Դեսպանատան Նոր Ծէնքին

11

Լուրեր Հ.Բ.Ը.Մ.էն

12

Անդամագրական



ՍԹԱՓԻԼ ՔԱՆԻ ՈՒԾ ՉԷ

1893ին Եղիա Տէմիրճիպաշեան իր յօդուածներէն միոյն մէջ կը գրէր «...քանի մը տարի ետք մեր նամակագրութիւններուն վերելք պիտի գրենք 1900 թիւը, այլ խօսքով պիտի մտնենք 20րդ դար եւ տակաւին մինչեւ հիմա չենք կրցած կարգին վարժապետներ պատրաստել մեր գալիք սերունդներուն ...»:

Այսօր, վերոյիշեալ տողերը գրուելէն 105 տարիներ ետք, Տէմիրճիպաշեանի գանգատը կը կրկնուի եւ բաղձանքը կը մնայ նոյնը...:

Մենք պատրա՞ստ ենք դիմաւորելու եկող դարը:

Համակարգիչներու դարն է ըսելով պէտք չէ բաւականա՞յ: Որովհետեւ, նոր սերունդին համակարգիչի դասընթացքներ տալով չէ միայն որ պատրաստած կ'ըլլանք նոր դարուն:

Նախկին գրութեան մը մէջ հաղորդակցութեան կարելորդութեան մասին գրած էիմք, թէ ինչպէս մեր սերունդը կը պարտի հնարը գտնել հաղորդակցութեան մէջ մտնելու նոր սերունդին հետ:

Հաղորդակցութեան ամենակարեւոր միջոցը լեզուն է: Մեր խօսած լեզուն պէտք է ըլլայ հասկնալի նոր սերունդին: Նախ գրուած լեզուն՝ մամուլ կամ գրականութիւն, հարկ է որ ըլլայ պարզ եւ մատչելի, չխրտչեցնելու համար կարդացող աշակերտը: Ապա, ուսուցիչին լեզուն, նոյնիսկ եկեղեցական արարողութիւնները, Աւետարանի ընթերցումներն ու քարոզները, եթէ կորսնցնեն իրենց պարզութիւնը, ընկալող երիտասարդին համար, իմաստ մը չեն ունենար եւ զարմանալու պատճառ գոյութիւն չունենար, երբ մեր նոր սերունդը տեսնենք օտար եկեղեցիներու եւ օտար մշակոյթի յանձնուած:

Անցնինք ուսուցիչներ պատրաստելու հարցին:

Նոր դարու ուսուցիչը պէտք չէ բաւականա՞յ իր ուսանած միջոց ամենահաճելի միջոցներով աշակերտին հասցնելով միայն, այլ պէտք է պատրաստ ըլլայ աշակերտին ուղղած բոլոր հարցումներուն, քանի որ այսօրուան դպրոցականը կը գտնուի գիտելիքներու մեծ հոսանքի մը առջեւ, եւ ունի տարբեր հարցեր որոնք կը մնան անլուծելի եւ անպատասխան:

Դպրոցական աշակերտները տարբեր աոիթներով կը գանգատին թէ իրենց անլուծելի խնդիրներուն պատասխան չեն գտներ, դպրոցին, ծնողքին եւ նոյնիսկ եկեղեցիին մօտ:

Հարցը բարդ է եւ նոյնքան պարզ:

Մօտենալ նոր սերունդին պատրաստելով ուսուցիչներ, պարզացնելով լեզուն եւ գործածելով արդիական կերպերը հայապահպանման նպատակին ծառայելու: Նիւթական ապահովութիւնը երբեք չի բաւեր պատանիին գոհունակութիւն տալու: Ան մեծ ծարաւ կունենայ անհամար հարցերու պատասխանը գիտնալու: Իսկ, եթէ մեր մօտ չգտնէ, վստահ եղէք, որ պիտի գտնէ ուրիշ մշակոյթներու մօտ:

Լեզուն պարզացնելու հարցը մեծ չափերով կ'իյնայ մամուլին եւ եկեղեցիին վրայ, որոնք միայն այդ ուղին ունին նոր սերունդը հայ մշակոյթին ու կրօնքին կապուած պահելու համար:

Քալով ուսուցիչներ պատրաստելու հարցին, կը կարծենք թէ Ազգային իշխանութիւնը եւ ազգային վարժարանները ինչպէս նաեւ Գահիրէի Հ.Բ.Ը.Մ.ը միասնաբար կրնան նոր դարուն համար նախապատրաստուած ուսուցիչներ հասցնել, մեր նոր սերունդին վերջնական ձուլումը կասեցնելու համար:

Եթէ անմիջական գործնական քայլեր չառնուին այս այժմեական ամենակարեւոր հարցին

լուծումին ուղղութեամբ, ասկէ 100 տարի ետք, այս անգամ գուցէ արաբերէն լեզուով մէկը գրէ նոյն հարցին շուրջ...:



ՀԱՅԱՍՏԱՆԻ ԱՆԿԱԽՈՒԹԵԱՆ 7-ՐԴ ՏԱՐԵԴԱՐՁԸ ԳԱՀԻՐԷԻ ՄԷՁ



Կիրակի 20 Սեպտեմբեր 1998-ին, Գահիրեի հայ համայնքը տօնակատարեց Հայաստանի Հանրապետության Ազգային Տօնը և անկախության 7-րդ տարեդարձը, Հեղիոպոլսոյ Պլըքտանեան հանդիսապարահին մէջ, բարձր հովանաւորութեամբ ՀՀի արտակարգ և լիազօր դեսպան Գոկտ. Էտուար Նալպանտեանի եւ իր ազնուափայլ Տիկնոջ ու հովանաւորութեամբ եգիպտահայոց առաջնորդ Գերշ. Տ. Զաւէն Արք. Չինչիմեանի եւ հայ կաթողիկէ համայնքի վիճակաւոր Արհիապատի Տ. Պետրոս Թարմունիի:

Հանդիսութեան նախաձեռնութիւնը եւ կազմակերպութիւնը ստանձնած էր Գահիրեի Ազգ. Իշխանութիւնը, մասնակցութեամբ Գահիրեի բոլոր միութիւններուն:

Եգիպտոսի եւ ՀՀի օրհներգներու դաշնակի նուագածութիւնէն ետք, յանուն Գահիրեի ազգ. իշխանութեան բացման խօսքով ելոյթ ունեցաւ Պր. Գրիգոր Մարգարեան, ապա թեմ հրաւիրեց ՀՀի դեսպան Տոքթ. Էտուար Նալպանտեանը:

Տոքթ. Նալպանտեան ողջունեց եգիպտահայութիւնը ՀՀի անկախութեան 7-րդ տարեդարձին առթիւ եւ շեշտեց թէ հայրենի ժողովուրդին անկախութեան որոշումը 21 Սեպտեմբեր 1991-ին, դժուար որոշում մըն էր, դժուար ժամանակաշրջանի մը ընթացքին, սակայն հայ ժողովուրդը պիտի ընէ հնարաւոր ամէն բան որ կանգուն մնայ ան:

Ապա թեմ հրաւիրուեցաւ Գահիրեի թեմական ժողովի ատենադպիր Տոքթ. Սուրէն Պալարմեան: Ան իր խօսքին մէջ շեշտեց համահայկական ճիգերով հայրենիքին զօրակցելու անհրաժեշտութիւնը:

Հանդիսութեան գեղարուեստական բաժնին համար, Գահիրեի Հ.Բ.Ը.Մ.ի հրաւերով՝ յատկապէս հայրենիքէն ժամանած էին Հայաստանի Ազգային Օփերայի մեներգչուհի Յասմին Հացագործեան եւ դաշնակահարուհի Յասմին Միրզոյեան:

Հայրենի արուեստագիտութիւնները ներկայացուցին ճոխ երգացանկ մը, մեկնարանելով միջազգային եւ հայկական օփերաներէն հատուածներ: Օնորհալի երգչուհին իր հմայիչ ձայնով խանդավառեց ներկաները, որոնց ջերմ ծափահարութիւնները ստիպեցին որ թեմ վերադառնայ եւ ներկայացնէ երկու այլ երգեր:

Գերշ. Տ. Զաւէն արք. Չինչիմեանի եզրափակիչ խօսքով ու Արհիապատի Տ. Պետրոս Թարմունիի հետ պահպանիչով եւ աղօթքով վերջ գտաւ տօնակատարութիւնը:



Հ.Բ.Ը.Միության 15րդ Նախասարդեան խաղերը Սիտնիի Մէջ (25 Յուլիսէն 20 Օգոստոս)

Հ.Բ.Ը.Մ.ի Նախասարդեան խաղերը, որոնք տեղի կ'ունենան երկու տարին անգամ մը, այս տարի տեղի ունեցան Սիտնիի մէջ. Հ.Բ.Ը.Մ.ի Երիտասարդական Կեդրոնական Յանձնախումբին հովանաւորութեամբ եւ Բարեգործականի Սիտնիի մասնաճիւղին կազմակերպութեամբ:

Այս մարզախաղերը միջոցներէն մին կը հանդիսանան, վառ պահելու կապը աշխարհով մէկ ցրուած հայ երիտասարդներուն միջեւ եւ կամ մոր կապեր հաստատելու եւ հետեւաբար հայ երիտասարդի հոգիին ու սրտին մէջ դրոշմելու ազգի գոյատեւման անհրաժեշտութեան գաղափարը, մանաւանդ այնպիսի ժամանակաշրջանի մը մէջ, երբ հայրենիք ու փիւռք կ'ապրին վերակառուցման ճակատագրական օրեր:

Հ.Բ.Ը.Միութիւնը խորապէս գիտակցելով այս իրողութեան եւ իր երիտասարդութեան մէջ տեսնելով ապագայի գոյատեւման իր յոյսը, բարոյական թէ միջակայն ոչ մէկ միջոց կը խնայէ, իրագործելու համար իր սրբազան ուխտը, սատար կանգնելով հայակերտումի ծրագիրներուն եւ դիմագրաւելով հայութեան առջեւ ծառացող անյետաձգելի պահանջները:

25 Յուլիսէն մինչեւ 2 Օգոստոս, տարբեր երկիրներէ Հ.Բ.Ը.Մ.ի երիտասարդ մարզիկներ, ղեկավարներ, մերկայացուցիչներ համախմբուած էին Սիտնիի մէջ, մասնակցելու համար երիտասարդական 15րդ Նախասարդեան խաղերուն:

Անոնք եկած էին Փաստեմնայէն, Կլէմտէլլէն, Օքլընտէն, Պուէնոս Այրէսէն, Նիկոսիայէն, Սիտնիէն, Մէլպուրնէն, Գահիրէէն ու Աղեքսանդրիայէն իրենց մասնակցութիւնը բերելու պասքէթպոլի, վոլիպոլի, ֆութպոլի, փիմկ-փոմկի, գումդի, միզակի արձակման եւ վազքի տարբեր մրցումներուն:

Եզիպտոսը մասնակցած էր Հ.Բ.Ը.Մ. ՆՈՒՊԱՐԻ պասքէթպոլի տղոց խումբով, որ կազմուած էր Գահիրէի եւ Աղեքսանդրիոյ հաւաքականէն եւ որուն խաղացողներն էին՝

Թուլումպանեան Կարէն, Մարթայեան Բաֆֆի, Մուրսի Բաֆֆի, Պաթայեան Արմէն, Պօղոսեան Բիսթօ, Սիմոնեան Քրիս, Վարժապետեան Արմէն եւ Վարժապետեան Կարօ Գահիրէէն:

Գորտեան Յակոբ, Եագուպ Շորճ, Շոճեան Կարէն եւ Շոճեան Կարպիս Աղեքսանդրիայէն:

Խումբին պատասխանատու ղեկավարն էր՝ Գահիրէէն Տոքթ. Նորայր Սիմոնեան:

Ծաբաթ 25 Յուլիսին, երեկոյեան ժամը 7:30-ին, Եզիպտոսի Հ.Բ.Ը.Մ. ՆՈՒՊԱՐԻ պասքէթպոլի խումբը, ղեկավարութեամբ Տոքթ. Նորայր Սիմոնեանի հասաւ Սիտնի եւ ուղղուեցաւ դէպի Կազձօ պանդոկը որ կը գտնուի Փարամաթա շրջանին մէջ:

Նոյն օրը Սիտնիի Հ.Բ.Ը.Մ.ի կազմակերպիչ յանձնախումբը, մեծ ընդունելութիւն մը կազմակերպած էր, առիթը ստեղծելով տարբեր երկիրներէ ժամանած հիւրերուն, պատասխանատուներուն եւ մարզիկներուն համար, իրար ծանօթանալու, մոր քարեկամութիւններ հաստատելու եւ հին ծանօթութիւններ վերանորոգելու:

Կիրակի, 26 Յուլիսին տեղի ունեցաւ Նախասարդեան խաղերու բացման հանդիսաւոր արարողութիւնը, Սիտնիի մոր մարզահամալիրէն ներս որ կառուցուած է 2000 թուականի կայանայիք ողիմպիական համաշխարհային խաղերուն համար:

Այդ հոյակերտ կառոյցին մէջ Աւստրալիոյ պետական բարձրաստիճան կարգ մը անձնաւորութիւններու կողքին՝ ներկայ էին նաեւ Հ.Բ.Ը.Մ.ի Նախասարդեան խաղերու Կեդ-րոնական Յանձնախումբի Նախագահ՝ Հրանդ Պարտազնեան, Հայաստանի Հանրապետութեան Ողիմպիական Յանձնախումբի Նախագահ՝ Աշոտ Մելիք Շահնազարեան եւ Սիտնիի Հ.Բ.Ը.Մ.ի մասնաժողովի ատենապետ՝ Վահէ Արթիմեան: Նախասարդեան խաղերուն մասնակցող իւրաքանչիւր խումբ, իր երկրի դրօշակը բռնած, այբուբենի հերթականութեամբ գրաւեց իր տեղը մարզադաշտին վրայ:



Երգուեցան Աստուրախոյ եւ Հայաստանի օրհներգերն ու Հ.Բ.Ը.Մ.ի խորեանքաւ քայլերգը, ապա բացումը կատարուեցաւ շքեղ տոհմանցքով մը, թարմ երիտասարդական շունչով լի մթնոլորտի մը մէջ:

Բացման արարողութեան ետք, յայտագիրը սկսաւ տողոց եւ աղջիկներու 100, 200, 500 եւ 1500 մեթրի վազքի մրցումներով:

Խաղերու միջեւ ընդմիջումներուն կը ներկայացուէին հայկական եւ աստուրախական ժողովրդական երգեր ու պարեր ընկերակցութեամբ Հայ Երիտասարդաց ճաշակաւորման, ինչպէս նաեւ կը ցուցադրուէին քարաթէի խաղեր: Հ.Բ.Ը.Մ.ի կազմակերպիչ լանձմահախումբը, չէր մոռցած Նաւասարդեան խաղերուն կողքին, իր հիւրերը զբաղեցնել յարակից հաճելի միջոցառումներով:

Նոյն օրը, խաղերէն ետք, ժողով մը գումարուեցաւ հիւրընկալ երկրի պատասխանատուներուն եւ մասնակցող խումբերու ղեկավարներուն միջեւ յստակացնելու համար յաջորդ օրերուն կայանալիք խաղերու ծրագրերը եւ կարգն ու կանոնը:

Երեքշաբթի 28 Յուլիսին սկսան պասքէթպոլի, վոլիպոլի, ֆութպոլի եւ փինկփոնկի խաղերը: Եգիպտոսի հաւաքականը խաղաց Սիտնիի (Ա) խումբին դէմ եւ խաղը վերջացաւ Եգիպտոսի յաղթանակով: Երկու ժամ ետք Եգիպտոսի հաւաքականը պիտի խաղար ընդդէմ Մէլաուոնի եւ Սիտնիի (Բ) խումբերուն: Ան պէտք է յաղթէր այս 2 մրցումներուն որպէսզի կարենար մասնակցիլ ասարտական խաղերուն: Եգիպտոսի մարզիկները երկու մրցումները խաղացին մեծ խանդավառութեամբ յաղթելու բոլոր կիրքով եւ աղ խաղերը վերջացան Եգիպտոսի յաղթանակով:

Այդ ուրախ տրամադրութեան մէջ, Հ.Մ.Ը.Մ. ՆՈՒՊԱՐԻ մարզիկները չմերժեցին նախկին Մելգոնեանցիներու առաջարկը, մոյն օրը բարեկամական խաղ մը խաղալու անոնց դէմ եւ արձանագրեցին յաղթանակ մը եւս: Այդ օրը Հ.Մ.Ը.Մ. ՆՈՒՊԱՐԻ մարզիկներու յաղթանակներու օրն էր:

Ասարտական խաղերու նախօրեակին, Հ.Բ.Ը.Մ.ի սրահէն ներս, ճաշ-ընդունելութիւն մը տեղի ունեցաւ բոլոր ղեկավարներուն ու պատասխանատու հիւրերուն համար ինչպէս նաեւ Սիտնիի Բարեգործականի բոլոր վարչական անդամներուն, և պատասխանատուներուն համար, առ ի գնահատանք անոնց տարած շնորհակալ աշխատանքին:

Այս յատուկ հիւրասիրութեան ներկայ էին մօտ 70 հրապիրեալներ:

Ուրբաթ, 31 Յուլիսը օրն էր ասարտական մրցումներուն: Եգիպտոսի խումբը պիտի խաղար ընդդէմ Օքլընտի խումբին եւ յաղթողը պիտի գրաւէր տողոց պասքէթպոլի խաղերուն առաջին դիրքը: Մարզադաշտը լեցում էր բազմահարիւր մարզաւէրներով:

Երբ խաղը սկսաւ ներկաներուն մեծամասնութիւնը կը քաջալերէր Եգիպտոսի Հ.Մ.Ը.Մ. ՆՈՒՊԱՐ-ի խումբը, այնինչ բարձր պահեց մարզիկներու տրամադրութիւնը եւ յաղթելու կորովը: Արդէն խաղը սկսելէն տասը վայրկեան ետք, Եգիպտոս կը յաղաքանար Օքլընտէն 12 կէտով (15-3), իսկ երբ վերջացաւ խաղին առաջին մասը խաղի արդիւնքն էր (23-18) ի նպաստ Եգիպտոսի: Խաղի երկրորդ կէսին արդիւնքը սկսաւ հաւասարիլ, երկար ատեն խաղը մնաց հաւասարակշռուած փնակի մէջ, վերջին 40 երկվայրկեանին խաղի արդիւնքն էր (36-36) եւ գնդակը Հ.Մ.Ը.Մ. ՆՈՒՊԱՐԻ հետ էր, սակայն դժբախտաբար, խաղի վերջին երկվայրկեաններուն, խումբը խուճապի մատնուելով կորսնցուց գնդակը, կորսնցնելով նաև յաղթանակի վերջին յոյսը եւ Օքլընտ արձանագրեց 2 կէտ, խաղը ասարտուելով 38-36 ի շահ վերջինին: Ցաւալի կորուստ մըն էր Հ.Մ.Ը.Մ. ՆՈՒՊԱՐԻ համար, սակայն երիտասարդ մարզիկները այդ պարտութիւնը ընդունեցին բարձր մարզական ոգիով եւ շնորհատրեցին յաղթական խումբին անդամները:

Ծառաթ 1 Օգոստոսին, եօթնօրեայ հաւաքը մօտեցած էր իր լրումին: Սիտնիի Հ.Բ.Ը.Մ.ը ի պատիւ բոլոր մարզիկներուն, պատասխանատուներուն, հիւրերուն, ողջերթի պարահանդէս մը կազմակերպած էր շքեղ սրահի մը մէջ, ուր ներկայ էին մօտ 900 հոգի: Այնտեղ ներկայ էին Սիտնիի հալ համայնքի ներկայացուցիչներ, ղեկավարներ, բազմաթիւ հիւրեր եւ մարզիկներ:

Հայկական եւ սպանական ճաշակաւորման հերթականութեամբ ելոյթ ունենալով կը ոգեւորէին պարահանդէսի մթնոլորտը:

Պարահանդէսի ընթացքին կը քաշխէին բաժակները, մետալներն ու յուշանուէրները: Եգիպտոսը արժանացաւ արծաթեայ մետալներու:

Մարզախաղերու կողքին մարզիկներն ու հիւրերը առիթը ունեցան այցելելու Սիտնիի տեսարժան վայրերը, ինչպէս հին պատմական ճաւահանգիստը, Սիտնիի կենդանարանական այգին եւ ճաւահին պտղոյտ մը ըրին Հարպրոի մէջ, վայելելով Սիտնիի գիշերային զբօսավայրերը, տիւքօթեքները, ճաշարանները եւ շուկաները:

Անոնք այցելեցին նաեւ Հ.Բ.Ը.Մ.ի Ալեքսանտր վարժարանը:



Կիրակի, 2 Օգոստոսին Հ.Մ.Ը.Մ.ի մարզիկները ճոխ յայտագիրով ծանրաքննուած շաբաթ մը անցնելէ ետք, անմոռանալի տպաւորութիւններով ու յիշատակներով վերադարձան Գաֆիըէ, հրաժեշտ տալով իրենց մոր բարեկամներուն յաջորդ Նաւասարդեան խաղերուն անոնց վերստին հանդիպելու յոյսով:

Երկուշաբթի, 3 Օգոստոսին, մարզիկները իրենց ղեկավարին հետ հասան Գաֆիըէ, իրաքանչիւրին հոգին լի երախտագիտութեան ջերմ զգացումներով հանդէպ Հ.Բ.Ը.Մ.ի Եգիպտոսի Օրջանակային Յանձնաժողովի անդամներուն որոնք բարոյապէս և միտքապէս մեցուկ կանգնելով Հ.Մ.Ը.Մ. ՆՈՒՊԱԴի մարզիկներուն, որեւէ ջանք չխնայեցին յաջողցնելու համար անոնց մասնակցութիւնը Հ.Բ.Ը.Մ.ի 15-րդ Նաւասարդեան խաղերուն:

Խաղերուն մասնակցեցան մօտ 250 մարզիկներ:

Ստորեւ կուտանք խաղերուն արդիւնքները:

Աղջկանց՝ 100մ. վազք

ա) Բարսեղեան Թանհա - Մելպուռն, բ) Մանուչարեան Մարիամ-Փասատինա, գ) Լուսի Մելքոնեան - Փասատինա:

Տղոց՝ 100մ. վազք

ա) Տուրսըն Դանիէլ - Մելպուռն, բ) Պալեան Ժիվան - Թորոմթօ , գ) Մարգարեան Մատթէոս - Սիտնի:

Աղջկանց՝ 200 մ. վազք

ա) Կիլլիեան Լոռնա - Մելպուռն, բ) Բարսեղեան Թանհա - Մելպուռն:

Տղոց՝ 200 մ. վազք

ա) Տուրսըն Դանիէլ - Մելպուռն, բ) Աղասեան Սայաթ - Սիտնի, գ) Հանըմեան Սեւան - Սիտնի:

-Աղջկանց՝ 400 մ. վազք

ա) Կիլլիեան Լոռնա, բ) Տիգրանեան Ժենի, գ) Բարսեղեան Թանհա, երեքն ալ Մելպուռնէն:

-Տղոց 400 մ. վազք՝

ա) Մարգարեան Մատթէոս - Սիտնի , բ) Պօյաճեան Մարք-Լոս Ամճելոս, գ) Աղասեան Սայաթ - Սիտնի:

-Աղջկանց 1500 մ. վազք՝

ա) Արելեան Սաշա - Սան Ֆերնանտօ, բ) Տիգրանեան Ժենի - Մելպուռն, գ) Մանուչարեան Մարիամ - Փասատինա:

-Տղոց 1500 մ. վազք՝

ա) Պօյաճեան Մարք - Լոս Ամճելոս, բ) Կայծքար Միքայէլ - Մելպուռն, գ) Բէզիկեան Նուպար - Սիտնի:

-Աղջկանց դրօշարշաւ՝

ա) Սան-Ֆերնանտօ, բ) Մելպուռն, գ) Սան-Ֆերնանտօ:

-Տղոց դրօշարշաւ՝

ա) Մելպուռն, բ) Թորոմթօ, գ) Սիտնի

-Գումդի արձակում՝ աղջիկներ

ա) Մուրաջանեան Սօսի, բ) Մուրաջանեան Թալին, գ) Արոյեան Նաթալի, երեքն ալ Սիտնիէն:

-Գումդի արձակում՝ տղաք

ա) Մեսրոպ Տենի, բ) Համոզեան Աթօ, գ) Յակոբեան Արի, երեքն ալ Սիտնիէն:

-Նիզակի արձակում՝ աղջիկներ



ա) Օճաննէսեան Նատի, բ) Մուրաջանեան Սօսի, երկուքն ալ Սիտնիէն, գ) Գատագեան Սիրէն - Մելպուռն:

-Նիզակի արձակում՝ տղաք

ա) Համոզեան Աբօ, բ) Մեսրոպ Տեմի, գ) Յակոբեան Արի, երեքն ալ Սիտնիէն:

Խմբական աւարտական խաղեր

-Սեղանի թենիս՝ առանձին, աղջկանց

ա) Օրջանեան Ատրիանա - Արժանդին, բ) Արոյեան Նաթալի - Սիտնի

-Տղոց առանձին՝

ա) Միքայէլ Խաչիկի - Սիտնի, բ) Բարխուդարեան Ռուպերթ - Թորոնթօ:

-Սեղանի թենիս՝ - զոյգ աղջկանց

ա) Արոյեան Նաթալի եւ Փափագեան Սիզան - Սիտնի, բ) Օրջանեան Ատրիանա եւ Աէթ Սիլվա - Արժանթին:

-Տղոց զոյգ՝

ա) Միքայէլ Խաչիկի եւ Պօղոսեան Խաչիկ - Սիտնի, բ) Համոզեան Աբօ եւ Թովմասեան Ֆրէտ - Սիտնի:

Աղջկանց վոլիպոլ

ա) Օքլէնտ, բ) Արժանթին, գ) Փասատինա: Տիպար մարզումի՝ Գալայնեան Թամիս

-Տղոց վոլիպոլ՝

ա) Կլէմտէյլ, բ) Մելպուռն, գ) Սիտնի: Տիպար մարզիկ՝ Եարութիւնեան Յովիկ:

-Տղոց պասքէթպոլ՝

ա) Օքլէնտ, բ) Եգիպտոս, գ) Սիտնի: Տիպար մարզիկ՝ Մուրատեան Նարեկ:

Տղոց փակօթեայ Ֆութպոլ

ա) Կիպրոս, բ) Սիտնի, Թորոնթօ: Տիպար մարզիկ՝ Գորգեան Կարօ:



Եգիպտոսի Հ.Մ.Ը.Մ. Նուպարի խումբը Սիտնիի Հ.Բ.Ը.Մ. ի պատասխանատումներուն մէտ



ՀԱՄԱՀԱՅԿԱԿԱՆ ԽԱՂԵՐԸ ՀԱՅԱՍՏԱՆԻ ՄԷՋ

Համահայկական առաջին խաղերը զոր կը հովանաւորեն Հայաստանի կառավարութիւնն ու Միջազգային Ողիմպիական կոմիտեն՝ տեղի պիտի ունենան Երեւանի մէջ 23 Օգոստոս 1999էն՝ 5 Սեպտեմբեր 1999ի ընթացքին:

Այս խաղերուն պիտի յաջորդեն 2001ի խաղերը:

Մասնակցութիւնները պիտի ըլլան քաղաքներու հիման վրայ, Հայաստանէն եւ Արցախէն, Ա.Պ.Հ-ի երկիրներէն եւ սփիւռքահայ տարբեր քաղաքներէն:

Համահայկական խաղերու վարչութիւնը կը բաղկանայ հետեւեալ երկիրներու եւ կազմակերպութիւններու մերկայացուցիչներէն:

- 1- Հայաստան եւ Արցախ
- 2- Հ.Բ.Ը.Մ.
- 3- Հ.Մ.Ը.Մ.
- 4- Հ.Մ.Մ.
- 5- Ա.Պ.Հ-ի երկիրներ

Իսկ խաղերը հետեւեալներն են

- 1- Պասքէթ-Պոլ (մանչեր-աղջիկներ)
- 2- Վոլի-Պոլ (մանչեր-աղջիկներ)
- 3- Գոլթօլ (մանչեր)
- 4- Փիմկ-Փոմկ (մանչեր-աղջիկներ)

Ինչպէս վերը մշտնջենք, խումբերը պիտի մերկայացնեն իրենց քաղաքները:

Մասնակից խումբերուն թիւը իւրաքանչիւր խաղի մէջ նախընտրելի է որ չանցնի 32ը: Իսկ, եթէ պատահի որ 32 խումբէն աւելի ըլլան մասնակցող խումբերը, նախազտման մրցումներ տեղի պիտի ունենան:

Որեւէ մէկ քաղաք պարտաւոր չէ մասնակցելու բոլոր խաղերու մրցումներուն:

Իւրաքանչիւր քաղաքի մասնակցելու սակն է 500 ամերիկեան տոլար (երթեւեկ եւ կեցութիւն մարզիկներու հաշույն):

Խաղերու ընթացքին տեղի պիտի ունենան նաեւ ընկերային եւ մշակութային ձեռնարկներ:

Յարմարագոյնը այն է որ միացեալ կոմիտէ մը կազմուի իւրաքանչիւր սփիւռքահայ քաղաքի մէջ Հ.Բ.Ը.Մ.ի, Հ.Մ.Ը.Մ.ի եւ Հ.Մ.Մ.ի միջեւ, որուն պաշտօնը ըլլայ կազմակերպել իրենց քաղաքը մերկայացնող խումբերը եւ հոգալ անոնց ծախսերը կապ պահելով Հայաստանի Համահայկական Խաղերուն կազմակերպիչ մարմնին հետ:

Իւրաքանչիւր քաղաք պարտի իր մասնակցութեան կարելիութիւնը տեղեկացնել խաղերու կազմակերպիչ կոմիտէին մինչեւ 15 Սեպտ. 1998:

Յոյսով ենք որ սոյն խաղերը բոլոր աշխարհի հայերուն միութեան օրինակ կը հանդիսանան, որուն կը յաջորդեն այլ մակարդակներու եւ ասպարէզներու մէջ նոյնանման հաւաքներ:



ՈՐ ՄԸ ՍԵՐՕ ԽԱՆԶԱՏԵԱՆԻ ՀԵՏ

1986ի Դեկտեմբեր ամիսն էր: Համալսարանի տարիներս 2 տարի է վերջացուցած էի եւ կայուն գործ մը փնտռելու ճանապարհը բռնած՝ նոյն տարին կը կարդայի Սերո Խանգատեանի «Մխիթար Սպարապետ» վէպը:

Անսպասելի զուգահեյություն էր, երբ վէպը նոր վերջացուցած՝ տեղեկացայ թէ Խանգատեան պիտի այցելէ Եգիպտոս:

Նախ իմ ամենամեծ փափաքս էր, որ հանդիպիմ մեծ գրողին եւ ան մակագրէ ունեցած հատորս: Նոյն ատեն, կը փափաքէի մի քանի վայրկեան խօսակցիլ կարդացած վէպիս շուրջ: Սակայն, երբ Գահիրէ ժամանեց՝ պաշտօնապէս զինք հիւրասիրող ակումբներն ու հաստատությունները այցելելէ ետք, մեծ գրողը օրուան ընթացքին ազատ ժամանակ կ'ունենար:

Այդ առիթը օգտագործեցիմք, խմբավար Հայկ Սարգիսեանն ու ես, ամբողջ օր մը Սերո Խանգատեանին հետ անցնելով:

Անցանք հին Գահիրէի եկեղեցիներէն, այցելեցիմք դպտի թանգարանը եւ հայկական գերեզմանատունը, ուր՝ ուշի ուշով ան կը կարդար տարբեր տապանաքարերը: Ապա, եկանք էլ Ազհար թաղը, ուր հին սրճարանի մը մէջ թաղին յատուկ թէյը ըմպելով հանգչեցանք եւ սկսաւ մեր գրոյցը...

Խանգատեան իր Եգիպտոս այցելութենէն, շատ ազդուած էր բուրգերով եւ Սֆինքսով:

Ռուս եւ հայ գրականութեան մասին խօսեցանք: Ան Նարեկացին կը գտնէր «անբաղդատելի հանճար»... «Մատեան Ողբերգութեանը երբ կարդաս, որպէս քանաստեղծութիւն կը շշմիս» կ'ըսէր Խանգատեան:

Արաբական գրականութեան նկատմամբ ունէր կարծածէս աւելի լաւ գաղափար: Ան արաբ հին քանաստեղծներէն ամենաշատը հաւանած էր «Ալիլ Ալլաա էլ Մէարիին» իսկ արդի քանաստեղծներէն՝ իրաքցի մեծ քանաստեղծ «Ալ Մաուաֆրին», որուն հետ անձնական բարեկամութիւն հաստատած էր:

Խօսեցանք Հայաստանի մասին, այն ատեն ոչ երկրաշարժը պատահած էր, ոչ Ղարաբաղի

պահանջատիրութիւն կար, ոչ ալ անկախութիւն: Սակայն, իր ամէն խօսքին մէջ զարմանալի մախատեսութիւններ կային, որոնք կարծես մօտ օրէն պիտի պատահէին: Ակնարկութիւններ մանաւանդ Ղարաբաղի նկատմամբ. ան շատ լաւատես էր եւ Ղարաբաղի միացումը աւելի շուտ կ'ակնկալէր քան Հայաստանի անկախութիւնը...



Հայ դատին եւ արեւմտեան Հայաստանին մասին ունէր յանդուգն կարծիք մը, որ շատեր չէին հաւանք: Իր կարծիքը այն էր, թէ «սփիւռքահայութիւնն է հիմնական պահանջատէր արեւմտեան Հայաստանի»:

«Մխիթար Սպարապետ» վէպին մասին երբ հարցուցի՝ ան պարզօրէն խոստովանեցաւ, թէ եթէ չլլար Ռաֆֆիի «Դաւիթ Բէկը» չէր գրեր «Մխիթար Սպարապետը»...

Խանգատեան հակառակ իր խոժոռ դէմքին եւ շատերու տեսակետով «կոշտ» վարուելակերպին՝ ունէր բարի սիրտ մը,

նուրբ զգացումներ եւ համեստ նկարագիր: Մէկ վայրկեանի մը մէջ «գորիսցի» գիտացին էր որ գրել կարդալ չի գիտեր եւ ոչ «քաղաքավարութիւն» կ'ուզէ գիտնալ ոչ ալ «քաղաքակրթութիւն», միւս վայրկեանին՝ ան գրողն էր եւ բարձր մակարդակի քննադատ, ամենաքաղաքավարօրէն վարուող:

Սերո Խանգատեան մեզի պատմեց մաւե համաշխարհային երկրորդ պատերազմի իր յուշերէն եւ Հայաստանի ժողովուրդին տեսած ամենաթշուառ շրջաններուն մասին, որոնց բառերը կրկնելը հիմա քան չեն ըսեր, որքան իր աչքերը այդ պահուն, որոնք լեցուած էին զպուած արցունքներով:

Սերո Խանգատեանը այսօր ոչ եւս է: Օտար բաներ պիտի գրուին իր մասին, սակայն այն մէկ օրը որ անցուցիմք իր հետ՝ յուշիս մէջ պիտի մնայ անջնջելի:

Մահէն առաջ Խանգատեան ականատես եղաւ ազատ անկախ Հայաստանին: Բայց ան յաւիտ պիտի չհանգչի մինչեւ որ տեսնէ անկախ եւ միացած Ղարաբաղը:

Հ. Զ.



ԻՆՉՈՒ 2Է

Սօսի Յակոբեան

Առողջությունը բնութեան ամենաթանկագին նուիրն է մարդու: Մարդ երբ վատառողջ է չի կրնար վայելել ո՛չ մէկ տեսակ հաճոյք: Որքան ժամանակ որ մարդ ինքզինք առողջ կը զգայ չի կրնար գնահատել թէ ինք որքա՛ն քախտաւոր է: Սակայն անգամ մը որ անհանգստութեան և հիւանդութեան ախտանշաններ զգայ եւ րոնէ դարման գտնելու ճամբան, միա՛յն այդ ժամանակ է որ կ'անդրադառնայ թէ որքան անտարբեր եւ անհոգ կերպով վարուած է իր շատ թանկագին առողջութեան հանդէպ:

Ժամանակին, երբ գիտութիւնը այսքան զարգացած չէր եւ հասարակ մարդիկ առիթը չունէին քաջատեղեակ ըլլալու նորանոր հիւանդութիւններու դարմանումներու, արեան քննութիւններու, շատ մը քարոյ գործողութիւններու եւայլնի մասին, առողջանալու կամ մեղմելու միջեւ կայան չկար: Երբ անձ մը սրտի անհանգստութիւնէ տառապէր, կա՛մ եղած դեղերով կը լաւանար եւ կ'ապրէր եւ կա՛մ կը մեղմէր: Երբ մարդու տեսողութիւնը տկարանար, կ'ամ ակնոց գործածելով կը տեսներ եւ կամ կամաց-կամաց աչքին լոյսը կը կորսնցնէր: Քնացկեղ ունեցող անձի մը օրերը արդէն համրուած կ'ըլլային եւ այդ հիւանդութիւնէն ազատելու միակ միջոցը մահն էր:

Օտտ մը հիւանդութիւններ առեղծուածներ էին ասկէ մի քանի տասնեակ տարիներ առաջ, ուստի հիւանդը ճիշդ չէր դարմանուէր եւ ահաասիկ օր մըն ալ «քանի մը օր անկողին պառկեցաւ եւ մեռաւ», կըսէին: Երբ լսուէր որ բժիշկը արեան քննութիւն պահանջած էր «ուրեմն վիճակը այդքա՛ն ծա՛մր է», կը մտածէին խողմերը: Իսկ եթէ հիւանդանոց փոխադրել յանձնարարէր, թաղումի կարգադրութիւններ կը սկսէին ընել:

Առանց անհամգիստ ըլլալու, որոշ տարիքէ մը ետք, տարեկան քննութիւններ ընելու գիտակցութիւնը չկար եւ որքան ժամանակ որ մարդս ինքզինք առողջ զգար բժիշկի անունն իսկ չէր ուզեր իմանալ:

Սակայն այս վերջին 20 տարիներուն ընթացքին բժշկութիւնը այնքա՛ն հսկայաքայլ յառաջդիմած է որ, մարդկութեան համար ընդհանուր առմամբ եւ անյոյս հիւանդներուն համար միանաւանդ, հրաշալի լեղաշրջում մը ըրաւ: Օտտ մը մահացու հիւանդութիւններու դէմ պատուաստներ գտնուեցան, ուրիշներու՝ դարմանը: Գործողութիւններ որոնց հետեւանքով որքա՛ն մարդ մեռած է այսօր «գործողութիւն» իսկ չեն մկատուիր:

Օողերու (laser) գործածութեամբ ամենաքարոյ գործողութիւններն իսկ յաջողութեամբ կը պատկուին: Արեան մանրամասն քննութիւններ, endoscopy, CAT Scan եւ ուրիշ շատ մը արդիական քննութիւններու շնորհիւ մարդ արարածին մարմինը չի կրնար ո՛չ մէկ զաղտնիք պահել հմուտ բժիշկէն:

Միեւնոյն ժամանակ, մարդոց առողջական գիտակցութիւնն ալ աւելցած է. շատեր պզտիկ անհանգստութեան պարագային անմիջապէս մասնագէտ բժիշկի կը դիմեն, ուրիշներ՝ մի քանի հատի:

Միջին տարիքի հասած այրեր եւ կիներ կանոնաւոր կերպով քննութիւններու կ'ենթարկուին առաջը առնելու կամ կանխաւ ախտաճանաչելու համար որեւէ հիւանդութիւն:

Սակայն այս բոլորը մեծ գումարներու կը կարօտի:

Երկիրներու մէջ ուր բժշկական ապահովագրութիւն չկայ, «առողջութիւն»ը կը կորսնցնէ իր վերացական «թանկագին» ըլլալը եւ գայն պահելը կամ վերագտնելը իսկապէս թանկագին կ'ըլլայ: Օտտ քիչեր կրնան տոկալ բժիշկներու եւ հիւանդանոցներու պահանջած մեծածախս գումարներուն եւ այդ պարագային առնուելիք որոշումը շատ դժուար կ'ըլլայ: Կամ ամբողջ ընտանիքի մը ունեցածը պիտի զոհուի մէկ անդամ մը առողջացնելու համար, կամ այդ անդամին առողջութիւնը պիտի զոհուի մնացեալ անդամներուն սիրոյն:

Ինչո՞ւ համար ամէն եգիպտահայ չկարեմայ վայելել իր այսօրուայ առողջութիւնը առանց մտահոգուելու վաղուայ հիւանդութեան մասին:

Գահիրէի Հայկական Բարեգործական Ընդհանուր Միութեան վարչութեան անդամները տեղեակ ըլլալով զաղութիւն մտահոգութիւններուն մասին, ծրագիր մը պատրաստած են բժշկական ապահովագրութեան դրութիւն մը մատուցանելու բոլոր եգիպտահայերուն անխտիր: «Սաթենիկ Մանիկ Չազըր բժշկական ֆոնտ»ը կարելիութիւնը պիտի տայ բոլոր եգիպտահայերուն վայելելու բժշկական ամէն տեսակ դիւրութիւն տարեկան խորհրդանշական գումար մը վճարելով:



Շնորհաֆանդէս Հայաստանի Դեսպանատան Մէջ



Եգիպտոսի Հայաստանի Հանրապետութեան դեսպանատան մէջ տեղի ունեցաւ շնորհաֆանդէս մը նուիրուած Գաֆիրէի Հ.Բ.Ը.Մ.ի Սաթենիկ Ծ. Չաքըր Ֆոնտին Ռատարակած «Մաղկաքաղ Հայ Բանաստեղծութեան» Ռատորիան, որուն Ռեղիմակն է Տոքթ. Վարուժան Գազանճեան:

Շնորհաֆանդէսը կազմակերպած էր՝ Եգիպտոսի մէջ Հայաստանի արտակարգ եւ լիազօր դեսպան՝ Տոքթ. Է. Նալպանտեան:

Հանդիսութեան ներկայ էին դեսպան Տոքթ. Է. Նալպանտեան եւ տիկինը, Ռեղիմակը՝ պր. Վարուժան Գազանճեան, Եգիպտոսի քանաստեղծներ Իպրահիմ Ապու Սեմնա եւ Ֆարուք Օուշա ալ գրողներու եւ գրաքննադատներու կողքին, ինչպէս նաեւ Գաֆիրէի Հ.Բ.Ը.Մ.ի վարչութեան անդամները:

Հանդիսութեան ընթացքին նախ խօսք առաւ դեսպան Տոքթ. Է. Նալպանտեան որ քարձր գնահատեց գիրքին գաղափարը եւ Ռեղիմակին քանքերը նշելով որ Ռատորը Եգիպտոսի մէջ առաջին կապը կը Ռանդիսանայ Ռայ եւ արաք գրականութիւններուն միջեւ: Ան շնորհակալութիւն յայտնեց նաեւ Գաֆիրէի Հ.Բ.Ը.Մ.ի որ Ռոգացած էր Ռատորին բոլոր ծախսերը:

Ապա յաջորդաքար խօսք առին Ռեղիմակը՝ տոքթ. Վարուժան Գազանճեան եւ քանաստեղծներ Իպրահիմ Ապու Սեմնա ու Ֆարուք Օուշան որոնք խօսեցան սոյն Ռատորին նկատմամբ իրենց փորձառութեան մասին:

Հանդիսութեան աւարտին, յանձնուեցան նաեւ Հայաստանի Ռատիոյի Արաքերէն քածին կազմակերպած մրցութիւն երկու եգիպտացի ունկնդիրներուն քաՌած մրցանակները:



ՊԱՇՏՕՆԱԿԱՆ ԲԱՑՈՒՄ ՀՀ Ի ԴԵՍՊԱՆԱՏԱՆ ՆՈՐ ՇԷՆՔԻ

1998 թվականի հունիսի 10-ի հրապարակում

Ուրբաթ, 16 Հոկտեմբեր, երեկոյան ժամը 6:00-ին ՀՀԸՄԻ Նուպար Նազարեան համալիրին մէջ (նուիրուած՝ Նազարեան ընտանիքի կողմէ) տեղի ունեցաւ Հայաստանի Հանրապետութեան դեսպանատան մոր շէնքին պաշտօնական բացումը:

Ներկայ էին Լիբանանի արտաքին գործոց նախարար Ֆ. Պուէյզ, Հայաստանի նախագահի ներկայացուցիչ Պր. Արամ Սարգսեան, դեսպաններ, մախկին թէ ներկայ նախարարներ եւ երեսփոխաններ, Պէյրութի քաղաքապետներ, երեք յարանուանութեանց հոգեւոր պետերը, կղերականներ, ազգային երեք կուսակցութիւններու՝ ՍԴՀԿԻ, ՀՅԴԻ եւ ԲԱԿԻ ղեկավարներ եւ ներկայացուցիչներ, ՀՀԸՄԻ Կեդրոնական վարչական ժողովի նախագահ Տիկ. Լուիզ Սիմոն, ՀՀԸՄԻ, ՀԵԸԻ եւ լիբանանայ մշակութային-հասարակական այլ միութիւններու ներկայացուցիչներ եւ անլի քան հազար հրաիրեալներ:

Բացման խօսքը կատարեց Լիբանանի մօտ ՀՀ արտակարգ եւ լիազօր դեսպան Պր. Արամ Նաւասարդեան, որ շնորհաւորելէ ետք Լիբանանի մորընտիր նախագահ զօր. Էմիլ Լահուդը, շեշտեց, որ դեսպանատան մոր շէնքին բացումը ոչ թէ օտար երկրի մէջ տեղի կ'ունենայ այլ հարազատ Լիբանանի մէջ: Ան մշեց, որ այսօր երկու երկիրները ունին մտան խնդիրներ, կարեւորեց համագործակցութիւնը, շնորհակալութիւն յայտնեց Նազարեան ընտանիքին, ՀՀԸՄԻ-ն, Տիկ. Լուիզ Սիմոնին, Խանոնց կատարած միջոցական զոհողութիւններուն համար, ինչպէս նաեւ բոլոր կազմակերպութիւններուն, անոնց զօրակցութեան համար:

Ապա, խօսքը տրուեցաւ Լիբանանի արտաքին գործոց նախարար Ֆարէս Պուէյզին, որ մշեց, որ սովորական իրադարձութիւն մը չէ այս: Քաղաքականէ ու մշակութային աւելի մարդն ու մարդկայինն է որ մեզ կը կապեն: Ան կարեւորեց լիբանանահայութեան դերը Լիբանանի քաղաքական թէ մշակութային կեանքէն ներս:

ՀՀԸՄԻ փոխ նախագահ Մեթր Պերմ Սեդրակեան ունեցաւ կոտ ու ամբողջական ելոյթ մը արարեւէն լեզուով, յանուն Նազարեան զերդաստանի եւ իրեն: Ան շնորհակալութիւն յայտնեց ցուցաբերող ուշադրութեան համար եւ դեսպանատան աշխատանքներուն մաղթեց յաջողութիւններ:

Անգլերէն լեզուով խօսք առաւ ՀՀԸՄԻ նախագահուհի Տիկ. Լուիզ Սիմոն, որ շեշտեց Նազարեան ընտանիքի, Լիբանանի, Հայաստանի եւ ՀՀԸՄԻ մէկտեղումը այս յարկին տակ:

Հայաստանի նախագահի ներկայացուցիչ, անոր խորհրդականներէն Արամ Սարգսեան իր խօսքին մէջ մատնանշեց լիբանանահայութեան օրինապահ կեցուածքը Լիբանանի մէջ, ընթերցեց նախագահ Ռոպերթ Քոչարեանի ուղերձը այս առթիւ, որ Հայաստանի նախագահը կը շնորհաւորէ եւ իր շնորհակալութիւնները կը յայտնէ Նազարեան ընտանիքին: Արամ Սարգսեան պատուով գիր յանձնեց Տիկ. Անահիտ Նազարեանին, Նազար Նազարեանի եւ Կարպիս Նազարեանի, ինչպէս նաեւ յայտարարեց, թէ Նազարեան ընտանիքի բոլոր անդամները կը ստանան Հայաստանի յատուկ կարգավիճակի անձնագրեր:

Պաշտօնական մասի ամառտին խօսքը տրուեցաւ ՆՍՕՏՏ Արամ Ա. Կաթողիկոսին Մեծի Տանն Կիլիկիոյ: Այսօր ամբողջ հայութեան օրն է, այս շէնքին կեանք պիտի տանք, պէտք է պահենք, պէտք է զօրացնենք, եւ այս պարտաւորութիւնն է լիբանանահայուն, - այսպիսի ոգեւորիչ ու հայրենասիրական խօսքերէ ետք, ան ըսաւ, որ այսօր նաեւ Հայաստան-Լիբանան անխախտելի բարեկամութեան օրն է: Արամ Ա. անգլերէն լեզուով ալ ունեցաւ ելոյթ մը, ՀՀԸՄԻ 80րդ Ընդհանուր ժողովին առիթով աշխարհի տարբեր կողմերէ ժամանած հիւրերուն ի պատիւ եւ փակելէ առաջ իր խօսքը մեծապէս զմահատեց Նազարեան ընտանիքին արքայալայել նուիրատուութիւնը եւ իշխանի կարգի շքանշան շնորհեց Նազարեան եղբայրներուն:

Ապա, ներկաները ճոխ հիւրասիրութեան սեղաններու շուրջ շնորհաւորեցին դեսպանատան անձնակազմը եւ Նազարեան ընտանիքը, դեսպանութեան արդիական շէնքին բացումին առիթով: Տեղի ունեցաւ նաեւ զեղարուեստական կոկիկ յայտագիր մը հայրենի արուեստագէտներու կատարումներով:

Նշենք, թէ պետական եւ բարձրաստիճան հիւրերը դեսպանատան բակին մէջ կ'ընդունուէին ՀԵԸ սկաւտներով եւ փողերախումբով:



ԼՈՒՐԵՐ Հ.Բ.Ը.Մ.ԷԳ

Հ.Բ.Ը.Միության Համագաղութային 80րդ Ընդհանուր Ժողովը



Պ Ե Ղ Ր Ո Ւ Յ Ի
Տ Ե Մ Ի Ր Տ Ե Ա Ն Կ Ե Ղ Ր Ո Մ

Հ.Բ.Ը.Միության համագաղութային 80րդ Ընդհանուր Ժողովը գումարուեցաւ շաբաթ, 17 Հոկտեմբեր 1998 առաւօտեան ժամը 9.30-ին, Հ.Բ.Ը.Մ.ի Պէլրոսի Տէմիրճեան Կեդրոնին մէջ, մասնակցութեամբ 2281 անդամներու, որոնցմէ անձամբ ներկայ էին 191 անդամներ, իսկ մնացեալները՝ փոխանորդազրութեամբ:

Հաւաքին քացումը՝ քարի գալստեան խօսքով մը կատարեց, Հ.Բ.Ը.Մ.ի Լիբանանի Օրջանակային Յանձնաժողովի ատենադպիր պր. Կարպիս Տանձիկեան, որ հրաւիրեց Միութեան փոխ նախագահ-ատենադպիր պր. Պերճ Սեդրակեանը, վարելու համար Ընդհանուր Ժողովի նիստը:

Առաջին առթիւ Միութեան նախագահ Տիկին Լուիզ Սիմոն ներկայացուց Միութեան 1996 եւ 1997 տարեշրջաններու ընդհանուր բարոյական տեղեկագիրը:

Ապա, Միութեան փոխ նախագահ-գանձապահ պր. Նազար Նազարեան ներկայացուց Միութեան նիւթական տեղեկագիրը, կատարելով զանազան բաղդատականներ:

Վերոյիշեալ երկու տեղեկագիրներու ունկնդրութիւնէն եւ վաւերացումէն յետոյ Ժողովը անցաւ Միութեան Կեդրոնական Վարչական Ժողովին իրենց անդամակցութեան շրջանը վերջացուցած 5 անդամներու ընտրութեան, որոնք նոյնութեամբ վերընտրուեցան, լանձինս Տիկին Գարոյ Ասլանեանի, պպ. Ժոզէֆ Պաւարեանի, Պերճ Սեդրակեանի, Սիման Սիմանեանի եւ Լեւոն Քէպապեանի:

Հաշուեքննիչ յանձնախումբի անդամ ընտրուեցաւ պ. Ծահէ Մէպէճեան:

Ժողովի վերջաւորութեան պատասխանուեցաւ եւ լուսաբանութիւններ տրուեցան, ներկայ անդամներուն կողմէ եղած հարցադրումներուն:

Ժողովին ընթացքին Հ.Հ.ի նախագահ Ռուպէրթ Քոչարեանի ողջոյնի խօսքով ելոյթ ունեցաւ Հ.Հ. Նախագահի խորհրդականներէն եւ անոր ներկայացուցիչ պր. Արամ Սարգսեան:

Նոյնպէս կարդացուեցան զանազան յանձնախումբերու կողմէ ներկայացուած բանաձեւեր:

Ժողովը իր աւարտին հասաւ կ.վ. ժամը 12.30-ին:



«ԱՐԵՒ» օրաթերթի ամսօրեայ յաւելումը արաբերէն լեզուով

1998ի Յունուարէն սկսեալ լոյս կը տեսնէ Արեւ օրաթերթի ամսօրեայ յաւելումը արաբերէն լեզուով, որ ուղղուած է եգիպտացի եւ արաբ մտաւորականութեան եւ որուն մպատակն է սատարել հայ եւ արաբ փոխ ճանաչման եւ բարեկամութեան:



Սոյն պարբերականին կ'աշխատակցին եգիպտացի մտաւորականներ՝ յրագրող, պատմաբան եւ արուեստի քննադատներ: Նոյնպէս, կ'աշխատակցին մէկ կամ երկու հայեր հայկական գիթը ներկայացնելու համար:

Պարբերականը կը ձգտի, արաբերէն լեզուով ներկայացուած յօդուածներու ընդմէջէն ծանօթացնել հայ մշակոյթը, հայոց պատմութիւնը, Հայաստանի այսօրուայ դէպքերը եւ ընդհանրապէս հայկական տեսակէտները: Այս բոլորին կողքին կը ներկայացուին նաեւ արաբական մշակոյթին առընչուող գիթեր, պարբերականը այլազան բովանդակութեամբ ներկայացնելու համար

ընթերցողին:

Պարբերականը լոյս կը տեսնէ 16 էջով: Իւրաքանչիւր էջի չափն է 21 x 29.7 սմ.:

Պարբերութիւնը հրատարակութիւնն է Արեւ օրաթերթի հրատարակիչ Հայ Ազգային Հիմնադրամին եւ շատ կարեւոր բաժինով մը ֆինանսաւորուած է Գահիրէի Հ.Բ.Ը.Մ.ի Սաթեմիկ Մ. Չազըր Ֆոնտին կողմէ:

«ՀԱՅԵԱՅՔ» ամսաթերթ - Կիպրոս



Ուրախութեամբ ստացանք Հ.Բ.Ը.Մ. Մեղգունեան Կրթական Հաստատութեան «Հայեացք» եռալեզու (Հայերէն անգլերէն եւ լուսարեւն) ամսաթերթի Ա. թիւը:

Ամսաթերթը հրատարակութիւնն է Հ.Բ.Ը.Մ. Մեղգունեան Կրթական Հաստատութեան:

Պատասխանատու խմբագիրն է պր. Եղիա Գայայեան, որուն կ'աշխատակցին փոխ խմբագիրներու եւ թեքմիջ աշխատակիցներու ամբողջ փաղանգ մը:

Մեր շնորհաւորութիւնները կը միացնենք յաջող երթի մեր մաղթանքներուն:



ԳԱՀԻՐԷ

Հոգեհանգիստ

Կիրակի 31 Մայիս 1998-ին, այս տարի ես, Գաֆիրէի Ս. Գրիգոր Լուսաւորիչ մայր տաճարին մէջ տեղի ունեցաւ հոգեհանգստեան պաշտօն Հ.Բ.Ը.Մ.ի քարերարուհի եւ նուիրատու, ողբ. տիկ. Սաթենիկ Մանիկ Չազըրի:

Հոգեհանգիստին մերկայ էին Գաֆիրէի Հ.Բ.Ը.Մ.ի վարչութեան անդամները բազմաթիւ այլ ազգասէլներու կողքին, որոնք եկած էին յարգելու քարերարուհիին յիշատակը:

Գաֆիրէի Հ.Բ.Ը.Մ.ի Բացառիկ Ընդհանուր Ժողովը

Չորեքշաբթի 15 Յուլիս 1998-ի երեկոյեան Հելիոպոլսոյ Հ.Մ.Ը.Մ. Նուպար մարզարանին մէջ տեղի ունեցաւ Գաֆիրէի Հ.Բ.Ը.Մ.ի բացառիկ Ընդհանուր Ժողովը, ատենապետութեամբ պր. Պ. Թերզեանի եւ ատենադպրութեամբ պ. Մարտիկ Պալայեանի:

Սոյն Ժողովին ընթացքին քննուեցան եւ վստեքացուեցան միութեան կազմական կանոնագրին մէջ մտցունելիք կարգ մը փոփոխութիւնները, ինչպէս նաեւ վստեքացուեցան թէ՛ միութեան ներքին կանոնագրին մախազիծը եւ թէ՛ եզիպտահայ համայնքի զաւակներուն դարմանական խնամքին դրութեան (Սաթենիկ Չազըր ֆոնտ) կանոնագիրը:

Կազմական կանոնագրին փոփոխութիւնները կը վերաբերէին

ա- Եզիպտահայ համայնքի զաւակներուն դարմանումի օժանդակութեան վերաբերեալ, տրամադրութեան մը յաւելումը

բ- Վարչութեան անդամներուն թիւին յաւելումը 7-էն 9-ի:

գ- Տարեկան անդամավճարին սակը աւելցնել 6 Ե.Ռ.էն 12 Ե.Ռ.ի:

Վերոյիշեալ կանոնագրային փոփոխութիւններէն զատ Բացառիկ Ընդհանուր Ժողովը լիազօրութիւն տուաւ Միութեան վարչութեան, Միութեան հետզհետէ ընդարձակուող գործունէութեան հետ քալլ պահելու համար, օժանդակ կեդրոն մը գնելու կամ վարձելու համար:

ՓԱՐԻԶ

«Գրիչ»ը իր իւրայատուկ ոճով կը ցուցադրէ

20 Յունիսէն 17 Յուլիսի ընթացքին, Փարիզի Galerie Art Present պատկերասրահին մէջ իր գործերուն ցուցահանդէսը տուաւ մախիկն եզիպտահայ Հ.Բ.Ը.Մ.ի Կոունկ երգչախումբի անդամուհիներէն Գրիստին Չառըրճեան:

Գրիստին որ իր մախնական ուսումը ստացած է Գաֆիրէի Գալուստեան վարժարանին մէջ, աւարտած՝ Գաֆիրէի Գեղարուեստի ֆաքիլթէն, շարունակած է ուսանիլ մախ Փարիզի մէջ, ապա, անցած Գաւառաւ ուր հաստատուած է այժմ:

Գրիստին ցուցադրած է 33 գործեր, որոնք մեծապէս գնահատուած են հայ եւ օտար քննադատներէ տարբեր գեղարուեստական թերթերու մէջ:

Գրիստին իր ծածկանունը ընտրած է մականունին կրճատումով, եւ հիմա «Գրիչ»ով կը ստորագրէ:

Կը մաղթենք որ «Գրիչ»ը իր վրձինով նորանոր քարծուքներ նուանէ:



ՀԱԼԷՊ

7 ՄԱՐՏԻ

Ղարաբաղի Նախկին Վարչապետ Լեոնարտ Պետրոսեան Կ'այցելէ Հ.Բ.Ը.Մ.ի Կեդրոնը

Հ.Բ.Ը.Մ.ի Հալէպի մասնաճիւղի անդամները պարգևատրած են Լեոնարտ Ղարաբաղի նախկին վարչապետ՝ Լեոնարտ Պետրոսեանը: Այցելութեան ան կ'ընկերակցէր Օուշիի մարզպետ Սէրկէյ Միրզոյեանի եւ Ղարաբաղի առաջնորդ Տ. Պարգեւ արքեպիսկոպոս Մարտիրոսեանի:

Պր. Լեոնարտ իր խօսքին մէջ երախտագիտութիւն յայտնեց Հ.Բ.Ը.Մ.ի, վերջնոյն Ղարաբաղի իրար կատարած զանազան օժանդակութիւններուն: Այս առթիւ Հ.Բ.Ը.Մ.ի ատենապետ Մելքոն Օսմանեան նախկին վարչապետը պարգևատրեց յիշատակի մետալով մը:

Նկարին մէջ հայ երիտասարդաց ընկերակցութեան (ՀԵԸ) սկաուտները կը դիմաւորեն Լեոնարտ Պետրոսեանը ընկերակցութեամբ կոմիտէի ատենապետ Ներսես Ներսիսեանի:



Ծաղկող Հայրենիքը Մանուկներու Աչքերով



Եղեռնը ոգեկոչելու յուշահանդէսներու շարքին ուշագրաւ էր Հ.Բ.Ը.Մ.ի պատկան Սարեան ակադեմիայի կազմակերպած դպրոցներու միջեւ մրցոյթը:

Հալէպէն ութը վարժարաններ, 11-13 տարեկան պատանիներ մասնակցեցան սոյն մրցանակին տիրանալու համար եւ որ տեւեց լման օր մը:

Մրցոյթին թեմաներն էին « Հայաստանի Գարունը » եւ « Տոհմային Պարը », որոնք յաջողապէս մարմնացում գտան բնակարաններու եւ տոհմային զգեստներու պատանի տաղանդներու գործերուն մէջ:

Առաջին, երկրորդ եւ երրորդ հանդիսացող պատանիները պարգևատրուեցան միութեան կողմէ գումարներով:

Սարեան ակաթեմեան քառասուն տարիներէ ի վեր ստանձնած է պատանի արուեստագէտներու քաջալերանքը սերունդներ շարունակ, հովանաւորութեամբը Հ.Բ.Ը.Մ.ի:



ԹԵԶՐԱՆ

Մարի Մանուկեան Վարժարան

Հ.Բ.Ը.Մ.ի Թեհրանի Մարի Մանուկեան վարժարանը 1997-1998 ուսումնական տարեշրջանի հունիսին եղավ 105 աշակերտ: Այս թիվին շուրջ կեսը լաջողապես անցուցած է համալսարանի ընդունման մուտքի քննությունները: Ծրցանաւարտից հանդիսութեան ներկայ էին Հ.Բ.Ը.Մ.ի Թեհրանի վարչութեան ատենապետ՝ պր. Ռուբեն Տէր Պօղոսեան եւ Հ.Բ.Ը.Մ.ի ներկայացուցիչներ Լեւոն Յովհաննէսեան եւ Զորա Յակոբեան:



Կիւլպէնկեան Նախակրթարան



Հ.Բ.Ը.Մ.ի Կիւլպէնկեան նախակրթարանի աւարտականներու հանդէսը ընդգրկեց երգացանկ մը, արտասանութիւններ, թատերախաղ, պար եւ քարաթէի լատուկ ներկայացում մը: Հանդիսութեան ներկայ էին երեւելի անձնաւորութիւններ, նաեւ Հ.Բ.Ը.Մ.ի Թեհրանի վարչական մարմինը ու անոր սատարող կրթական յանձնախումբը եւ ֆաքիլթէի ատենապետ Վերժին Աէֆէրեան:

Հ.Բ.Ը.Մ. ատենապետ՝ Ռուբեն Տէր Պօղոսեան աւարտականներուն յանձնեց իրենց վկայականները եւ առաջնակարգ ուսանողներուն յանձնեց հայերէն լեզուի մէկական գիրք, մուէր վարժարանի ծնողաց միութեան:

ԱՆԴԱՄԱԳՐԱԿԱՆ

ԾՆՈՒՆԴ

Յուլիս 7 1998 ին Տեղեկատուի աշխատակիցներին և Հ.Բ.Ը.Մ. անդամներին Տոքթ. և Տիկ. Կարօ և Սաթօ Աբգարեաններ բախտավորում են մանչ զաւակով մը, զոր անուանակոչած են Արեգ.

"Տեղեկատու"ն իր շնորհատրութիւնները կը յայտնէ նորածինին ծնողաց և մեծ ծնողաց:



Յուլիս 31 1998 ին Հ.Բ.Ը.Մ. անդամներին Տոքթ. և Տիկ. Հրայր և Սեւան Տրդատեաններ բախտավորում են աղջիկ զաւակով մը, զոր անուանակոչած են Լորիկ.

"Տեղեկատու"ն իր շնորհատրութիւնները կը յայտնէ նորածինին ծնողաց և մեծ ծնողաց:

ՄԱՀԱԳՐՈՒԹԻՒՆ

10 Սեպտեմբեր 1998-ին Գաճիբէի մէջ մահացաւ, Հ.Բ.Ը.Մ. անդամներին Տէր և Տիկին Մարտիկ Թերզիպաշեանի և Տէր և Տիկին Ռուբէն Թերզիպաշեանի հայրը՝ Յակոբ Թերզիպաշեան: Յուղարկատրութիւնը կատարուեցաւ Ս. Գրիգոր Լուսատրիչ Մայր Տաճարին մէջ:



30 Սեպտեմբեր 1998-ին Ֆրանսայի մէջ մահացաւ, Հ.Բ.Ը.Մ.ի Եգիպտոսի Օրջանակային Ցանձմածողովի փոխ ատենապետ և Գաճիբէի Հ.Բ.Ը.Մ. վարչութեան անդամ Տէր և Տիկին Օմնիկ Կարիպեանի եղբայրը՝ ճարտարագէտ Քրիսթիան-Վահագն Տատրեան:



ՀԱՅԿԱԿԱՆ ԲԱՐԵԳՈՐԾԱԿԱՆ ԸՆԴՀԱՆՈՒՐ ՄԻՈՒԹԻՒՆ Հիմնում 1906-ին

ՆՊԱՏԱԿ

Պահպանել և տարածել հայկական ինքնությունը և ժառանգությունը՝ կրթական, մշակութային և մարդասիրական ծրագիրներով:

ԿՐԹԱԿԱՆ

27 Նախակրթարան, Երկրորդական, Նախապատրաստական և Ծառաթորեայ վարժարաններ: Միջազգային կրթական նպաստներ և փոխառություններ: Հայաստանի Ամերիկեան Համալսարան:

ԱԶԳԱՅԻՆ ԵՒ ՄԻԶԱԶԳԱՅԻՆ ՄԱՍՆԱԽՈՐ ԾՐԱԳԻՐՆԵՐ

Ողիմպիական խաղեր, Ամառնային Փորձառական Ծրագիրներ, ՀԲԸՄ Լրատու, Արարատ Պարբերաթերթ, Յուշարար, օրական/շաբաթական Հայկական Տեղեկատուական Սպասարկութեան լուրեր, հրատարակություններ, դասախօսություններ, թատրոններ, ժապաւաններ և համերգներ: **ՀԱՅԱՍՏԱՆ**՝ Հայաստանի Ամերիկեան Համալսարան, Գեղագիտական և Վերականգնողական Վիրարութեան Կեդրոն, Հայաստան Ֆիլհարմոնիք, Նորքի, Արաբկիրի և Մալաթիոյ Մանկական Կեդրոններ, Սեւանի Աստուածաբանական Դպրեվանք, Գիւմրիի Սաոցամթերանոց, Երեւանի, Սեւանի, Հրազդանի և Էջմիածինի «Ապուրի Խոհանոցներ», Գիւմրիի Ծրածշտութեան և Արուեստի Կաճառ:

ՀԱՄԱՅՆՔԱՅԻՆ ԿԵԳՐՈՆՆԵՐ, ԳՊՐՈՑՆԵՐ, ՄԱՍՆԱԾԻՒՂԵՐ ԵՒ ԳՐԱՍԵՆՆԱԿՆԵՐ

ԱՆԳԼԻԱ՝ Լոնտոն, Մանչեսթըր. **ԱՐԺԱՆԹԻՆ**՝ Պուէնոս Այրես, Գորտուպա. **ԱՒՍՏՐԱԼԻԱ**՝ Սիտնի, Մելբուռն. **ԱՒՍՏՐԻԱ**՝ Վիեննա. **ԳԱՆԱՏԱ**՝ Մոնթրեալ, Թորոնթո, Վանքուվըր. **ԵԳԻՊՏՈՍ**՝ Գահիրէ, Աղեքսանդրիա. **ԵԹՈՎՊԻԱ**՝ Ատիս Ապապա. **ԶՈՒԻՏԵՐԻԱ**՝ ժընև. **ԻՏԱԼԻԱ**՝ Միլան. **ԼԻԲԱՆԱՆ**՝ Պէյրութ, Անթիլիաս, Թրիբուի, Զահլէ. **ԿԵՂՐՈՍ**՝ Նիկոսիա, Լաոնգա, Լիմասոլ. **ՀԱՅԱՍՏԱՆ**՝ Երեւան. **ՀՈԼԱՆՏԱ**՝ Ալմեյո. **ՅՈՒՆԱՍՏԱՆ**՝ Աթէնք, Սելանիկ. **ՈՒՐՈՒԿՈՒԷՅ**՝ Մոնթեվիտէօ. **ՊԱՐՍՅԱՍՏԱՆ**՝ Թեհրան. **ՊԵՆՏԻՔԱ**՝ Պրիքսէլ. **ՊՐԱԶԻՆ**՝ Սան Փալօ. **ՊՈԼԿԱՐԻԱ**՝ Սոֆիա, Վառնա. **ՍՈՒՐԻԱ**՝ Հալէպ, Դամասկոս, Եագուպիէ, Լաթաքիա, Քամիշլի, Քեսապ. **ՖՐԱՆՍԱ**՝ Փարիզ, Մարսէյլ, Նիս, Լիոն, Վալանս, Վիէն, Ս. Շամօն. **ՄԻԱՏԵԱԼ ՆԱՀԱՆԳՆԵՐ**՝ Արլինկթըն, Պոստոն, Գանոկա Փարք, Շիքակօ, Քլիվլընտ, Տիթթոյթ, Ֆորթ Լոուրալէյլ, Ֆրեզնօ, Կլէմտէյլ, Լոս Անջելըս, Մենհէթըն, Մայամի, Նասօ, Օքլընտ, Օրէյն՝ Գաունթի, Փասատինա, Ֆիլատելֆիա, Ֆինիքս, Փրովիտընս, Րէյսին, Րիտլի-Տայնուպա, Սետըլ Պրուք, Սան Ֆերնանտօ, Հոպիտ, Սան Ֆրանսիսքօ, Սանթա Գլարա, Ռաշինկթըն Տի.Սի., Ռաթըրթաուն-Պելմոնթ: